

SAKSPAPIR

Saksnr	Utval	Type	Dato
066/20	Formannskapet	PS	02.09.2020
	Heradsstyret	PS	

Saksbehandlar	ArkivsakID
Runar Ludvigsen	20/1665

Kjellarn restaurant & sportsbar - fornying av skjenkeløyve for 2020 - 2024

Rådmannen sitt framlegg til vedtak:

"I medhald av alkoholova §§ 1-4a og b, 1-6, 1-7, 1-7a, 1-7b, 1-7c, 4-2 og 4-4 vert det gjeve allment skjenkeløyve for all alkoholhaldig drikk, gruppe 1, 2 og 3 for Kjellarn restaurant & sportsbar, Valestrand

Løyvehavar: Kjellarn restaurant & sportsbar, org.nr. 815 484 452

Dagleg leiar: Adnan Kadir, f. 26.06.66.

Styrar: Adnan Kadir. Stedfortredar Edvard Horsås, f. 21.05.82 vert godkjende.

Type verksemd: Restaurant og bar med inne og uteservering.

Skjenketid (inne) alkohol gruppe 1 og 2: kl. 14.00 – kl. 02.00.

Skjenketid (inne) alkohol gruppe 3 (drikk med 22 – 60% alkoholinnhald): kl. 14.00 – kl. 01.00

Vidare vert det gjeve allment skjenkeløyve for all alkoholhaldig drikk på avskjerma uteområde.

Skjenketid for uteservering alkohol gruppe 1 og 2: kl. 14.00 – kl. 01.00.

Alkohol gruppe 3 (drikk med 22 – 60% alkoholinnhald): kl. 14.00 – kl. 01.00

Løyveperiode: 01.10.20 – 30.09.2024.

Formannskapet - 066/20

FS - behandling:

Skjenketider:

Formannskapet viste til fleirtalsinnstillinga i sak 062/20, og slutta seg samrøystes til å gje tilråding til heradsstyret i samsvar med dette.

AVRØYSTING

Rådmannen sitt framlegg vart samrøystes tilrådd

FS - vedtak:

"I medhald av alkohollova §§ 1-4a og b, 1-6, 1-7, 1-7a, 1-7b, 1-7c, 4-2 og 4-4 vert det gjeve allment skjenkeløyve for all alkoholhaldig drikk, gruppe 1, 2 og 3 for Kjellarn restaurant & sportsbar, Valestrand

Løyvehavar: Kjellarn restaurant & sportsbar, org.nr. 815 484 452

Dagleg leiar: Adnan Kadir, f. 26.06.66.

Styrar: Adnan Kadir. Stedfortredar Edvard Horsås, f. 21.05.82 vert godkjende.

Type verksemd: Restaurant og bar med inne og uteservering.

Skjenketid (inne) alkohol gruppe 1 og 2: kl. 14.00 – kl. 01.00.

Skjenketid (inne) alkohol gruppe 3 (drikk med 22 – 60% alkoholinnehald): kl. 14.00 – kl. 01.00

Vidare vert det gjeve allment skjenkeløyve for all alkoholhaldig drikk på avskjerma uteområde.

Skjenketid for uteservering alkohol gruppe 1 og 2: kl. 14.00 – kl. 01.00.

Alkohol gruppe 3 (drikk med 22 – 60% alkoholinnehald): kl. 14.00 – kl. 01.00

Løyveperiode: 01.10.20 – 30.09.2024."

Saksopplysningar:

Saksopplysningar:

Bakgrunn

Skjenkestad: Restaurant og sportsbar

Driftskonsept: inne- og uteservering

Sitteplasser: 65 stk (inne), 40 stk (ute)

Areal: 120 kvm (inne), 35 kvm (ute)

Periode for servering: januar-desember.

Opningstidspunkt: Torsdag: kl: 16-21, fredag og laurdag kl: 14-01:30, søndag : kl 14-21.

Ønskja skjenketid: kl. 14 – kl. 02.00 (inne), kl. 14-01:30 (ute)

Kjellarn restaurant & sportsbar, v/ Adnan Kadir, har søkt om fornya skjenkeløyve for si verksemd på Valestrand. Søknaden gjeld restaurant og sportsbar med inne og uteservering.

I gjeldande alkoholpolitisk plan sagt at skjenkeløyve i hovudsak skal gjevast til verksemdar lokalisert til områdesentra i kommunen, og det er opna for å gje skjenkeløyve for brennevin også til uteservering.

Etter alkohollova § 1-6 kan skjenkeløyve gjevast for 4 år om gongen og med opphøyr seinast 30. september etter at nytt kommunestyre tiltrer. I forslag til ny alkoholpolitisk plan er det tilrådd å følgja 4-årsperiodar for sals- og skjenkeløyve.

Kontroll på skjenkestaden har ikkje avdekka tilhøve dei siste to åra som har medført prikktildeling.

Søknaden er send til politiet og sosialtenesta til uttale.

Vurdering

Rådmannen kjenner så langt ikkje til tilhøve som tilseier avslag på søknaden, og ein vil difor tilrå fornying i samsvar med søknad. I rådmannen si tilråding er skjenke- og opningstider fastsette i samsvar med ny alkoholpolitisk handlingsplan slik ein har oppfatta fleirtallet i heradsstyret. Ein har difor lagt fram vedtak om skjenketid inntil kl 02:00 for inneservering, og innvilger difor ønskje frå verksemda.

Hovudregelen i alkoholhollova er at sals- og skjenkeløyve for alkohol vert gitt for inntil 4 år og med opphøyr seinast 30. september året etter at nytt kommunestyre tiltrer. Lova opnar for at kommunen kan vedta vidareføring av alle sals- og skjenkeløyve for nye 4 år. Kommunen kan og fastsetja retningslinjer for kva løyve som må fornyast og kva som kan vidareførast. Føresetnaden for dette er at kommunen først har gjennomgått alkohol- og løyvepolitikken.

Rådmannen vil ikkje foreslå ein ny praksis i h.t. fornying av sals- og skjenkeløyve, men at ein fortsatt held fast ved løyveperiodar på 4 år, og med handsaming etter kvart kommunestyreval.

Folkehelse	-	søknaden inneber ingen endring i h.t. dagens drift
Miljø	-	søknaden inneber ingen endring i h.t. dagens drift
Økonomi	-	ikkje vurdert

Konklusjon

Saka vert lagt fram for formannskapet til handsaming og innstilling til heradsstyret.